

(清)傅澤洪黎世序等主編 鄭元慶俞正燮等纂輯

行水金鑑 續行水金鑑

(附分類索引)

18

(清) 傅澤洪 黎世序等 主編 鄭元慶 俞正燮等 纂輯

行水金鑑 續行水金鑑

(附分類索引)

18

續行水金鑑

(清)

黎世序 潘錫恩 張 井 等 主編
俞正燮 董士錫 孫義鈞 等 纂輯

卷六十三至
卷七十

續行水金鑑卷第六十三

淮水 章隨十二

嘉慶十九年正月十九日奉

上諭吳璥奏查勘清口引河工程據稱黎世序擬將來清西壩順清河吳城七堡禦黃正二壩一律闢展並於河身淤窄之處估挑引河三道共長一千一百十六丈原估自底寬五六丈至十六丈八尺不等今又量加酌減計需銀三萬二千餘兩此外尙有關展各壩切灘抽溝零星各工所費僅數千兩等語清口爲宣洩湖流正路本年雖工不能早堵全黃注湖前經黎世序奏請於河口淤窄之處估挑引河當降旨交吳璥覆勘茲據奏

續行水金鑑卷第六十三

淮水

稱均係必應辦理之工需帑計祇三萬餘兩著照所估
剋期興辦早一日辦竣卽早得一日之益百齡等務當
督飭工員認真經理將應挑處所一律疏挖深通俾湖
流暢出不特汎水長發時藉減洪湖盛漲兼可增刷河
之力如查有草率偷減情弊卽行嚴參示懲此外關展
各壩切灘抽溝各工一併核實妥辦

南河成案續編

閏二月二十八日百齡黎世序奏南河本年情形黃
淮二水匯於洪澤一湖高堰誌椿上年十二月底存
水一丈八尺自本年正月至今陸續長水一尺六寸
誌椿現存水一丈二尺四寸清口以下黃河及淮揚
運河水勢漸長二尺餘寸至三尺餘寸不等湍流消

洩歸海歸江而湖口所出總不敵湖中之所長是以
不免停積現在時交桃汛已屆汛水長發之時急需
暢洩方無漲滿之虞仰蒙

聖明恩准加挑清口一帶引河及禦黃壩下減壩對岸
毛家嘴南岸等處挑切灘嘴俾資湖水暢出臣黎世
序於奉

旨後遵卽派員分工發銀趕辦茲於月之二十五日業
已一律完工親爲查驗均屬照估如式查宣洩之路
早放一日則湖中之水亦早消一日而大河刷滌之
益可早得一日是以卽於二十六日將各引河全行
開放湖水外出頗形順暢

南河成案續編

淮水

三月六日奉

上諭百齡等奏清口一帶挑工完竣啟放宣洩並湖河水勢情形一摺覽奏俱悉洪澤一湖本專注淮濱之水今加以全黃匯注勢益浩瀚此時甫屆桃汛而高堰誌椿長水尺寸已日見加增計湖口所出之水不敵湖中所長之多此後伏秋大汛長發更甚時日又長豈不更虞漲滿下游百萬生靈朕心垂廑綦切且淮南爲財賦所出儻致商民失業又將何以撫綏此事關係甚大現在引河雖已開放爭等又於南窩等處修建閘座以資宣洩其隄工保障事宜尤屬緊要更當加意講求朕今以淮揚百萬生靈付交汝等一切應行籌備之處皆當

未雨綢繆思患預防此時國帑不能寬裕自應力爲撙節但實有應辦之工亦不可因小失大欲省轉費所有籌辦修守事宜該督等盡心擘畫務保萬全仍隨時具奏以慰廑注

南河成案續編

四月初六日百齡黎世序奏查勘東清湖以下新挑引渠採量水深一丈一二尺至一丈四五尺不等較前已刷深一二三尺並刷寬一二丈不等其吳城七堡順清河等處溜勢亦極通暢局勢大覺開展旬餘以來湖水僅長一寸高堰誌椿現存水一丈三尺五寸時屆夏至而湖蓄轉不見增盛自係出路漸暢是以隨長隨消不致多爲停積並查據下游廳營稟報

汪水

續行水金鑑卷六十三

二

山清海安一帶長河按旬測探水深一丈一二尺至一丈四五尺不等其雲梯關外自入套以至海口均深一丈五六尺至二丈不等灘高水面尚有四五尺大溜歸槽日刷日深較上年已深三四尺指日大汛屆臨水力增旺刷滌自更深透而湖水東注亦必倍暢臣等仍卽由高堰至山盱查勘上年歷次風暴掣塌各段石工修砌多已完竣其稍有未竣者亦剋期可完舊仁義各壩埝工間被本年風暴掣卸之處均經該道應補鑲完整信壩修砌石底亦已竣工灰漿漸次乾老大汛時卽可啟放至智信二壩以下深塘均一律填平盤築堅實其上年堵閉禮壩後戩亦將

次完竣惟塘壩外水面寬深恐被風浪掀揭且南北
壩尾均與石工交接恐不能合縫已飭令添築撐壩
二道並於撐壩內塘用土填實益期穩固所有蔣家
壩仁義二道引河續估展寬加深亦經趕辦完竣俟
至大汛時湖水長至一丈四尺卽將新挑仁義二道
引河先行啟放以漸舒其勢如再長至一丈五尺以
上續將智信二壩次第啟放則各壩下注之水循序
有節下游揚河一帶或不致陡漲滋患

南河成案續編

十一月九日百齡黎世序奏自九月二十七日立冬
後起至十一月初八日月餘以來湖水又續消一尺
三寸高堰誌椿現存水一丈四尺二寸山旰智信兩

淮水

壩奏明俟湖水消至一丈五尺卽行堵閉臣等督令該道廳等如期進占已於十月二十六日及十一月初三日先後堵合現在趕澆裏戢以期堅穩其仁義兩引河卽次第興堵山安啟放李工於九月下旬水勢漸消而海屬存鹽亦經運完卽令照舊堵合現在趕澆裏戢俾水勢全力刷滌正河揚河廳屬水勢自智信兩壩堵合後業已漸消車邏南關等壩現今堵閉河口一帶白霜降後至今水消溜急刷滌益形深濶順清河口門逐漸刷寬六十餘丈水深四丈餘只至六丈不等堵閉需時臣等督飭道將廳營先爲興辦現已兩壩進占吳城七堡隨後亦卽趕堵禦黃東

清兩壩收束工程臨時察看趕築上月內西南西北
風較多堰盱兩廳石隄間有掣卸之處五壩護埽亦
間被掣墊現飭各該廳營分投撲護補鑲本年啟放
智信兩壩均屬平穩惟信壩近土舌處不免損動今
於堵閉後詳看實緣壩底比舊制擡高下注之水勢
如懸瀑以致易於衝跌查前年智壩土舌衝損當經
奏明接寬石底本年啟放所接石底並未損動已有
成效今信壩情形正與智壩相同自應亦照智壩辦
法將石底接寬現今確估趕辦以期無誤來年啟放

南河成
案續編

嘉慶二十年三月百齡黎世序奏自外河廳境起本有

溫水

續行水金鑑卷六十三

王

清水流行黃水到後報長四尺餘寸下至海口僅據報長二尺餘寸臣等猶以爲初放引河水未全注俟睢工合龍之後水勢必更加長迨經數日各工水勢不但未報續長並據報陸續消水一二尺不等探聞睢工合龍業已穩固黃流全歸正河暢行入海愈至下游長水愈少而流行愈駛自係下游河道及海口通暢之故外河廳順黃壩誌椿爲南河水勢考較最準之處現存水二丈四尺九寸較比嘉慶十七年二月內蕭南李家樓合龍後順黃壩誌椿長水至三丈三尺計小八尺餘寸以節氣水勢而論均當桃汛以前現在黃河下注之水並非比嘉慶十七年二月較

小實緣河口以下經兩年清水暢行刷滌河底比前寬深此爲明驗現在洪澤湖高堰誌椿存水一丈一尺二寸計高於黃水數寸暢出敵黃清黃交匯之處直射至彭家馬頭以下足徵湖水勢強尚可敵黃在工官民人等目覩情形均稱近年罕見積年淤墊現在已刷去十之三四從此再能愈刷愈深即可全復舊規平成永慶所有河口禦黃束清兩壩業已趕爲收窄以期箝束順清河口門趁此黃水頂托溜勢稍平卽督飭上緊堵閉

南河成案續編

六月百齡黎世序奏竊照黃河自交夏至後卽屢次長水二三尺不等尙屬旋長旋消不致漲滿惟淮水

黃河志卷之六

淮水

於五月二十三日起至六月初六日洪湖陡漲水四尺一寸藉以敵黃濟運甚爲得力初六日後至十四日高堰誌椿現存水一丈七尺接據正陽關水報該處自五月下旬至六月初三日共長水二丈四尺九寸緣淮河上游大雨連旬各山泉匯歸擁注實爲多年未有之事此後來源多少尙在未定不可不速籌宣洩查河口禦黃壩從前舊制湖水長發卽行拆展以洩湖漲而助黃刷沙自近年河底墊高雖湖水盛大亦不能外出徒有倒灌之害是以於重運全行渡黃之後卽行堵閉本年清口以下河底比前刷深數尺現在黃水雖在增長而清水尙在暢流出外自當

因時制宜將禦黃東清兩壩並行拆展以減洪湖盛漲之勢而助黃河刷濬之功如此後湖水漸消黃水較大再將禦黃東清兩壩相機收束堵閉期於宣洩鉗制機宜均無貽誤至山盱仁義兩引河智信兩壩專爲分洩湖水而設現在湖水雖然暢出清口一經黃水見長頂托卽宣洩無多所有山盱引河滾壩卽飭令全行啟放本年五月以後陰雨連綿高寶濱湖及下河各州縣前已據報低窪田畝被淹再益以壩水下注誠恐田畝被淹稍重臣等與道廳等通盤籌計現當洪湖水勢長發之際堰盱長隄關係甚重與其坐視漲滿設有疎虞爲患滋深不如預爲啟壩宣

洩究有節制其歸江歸海各閘壩均飭令早爲啟放

使水勢循序分消不致過於壅積

南河成案續編

五月二十三日百齡奏臣自十七日到浦察看黃水

節次長發漾至禦黃壩內清水僅存一丈三寸雖能

頂托黃水不能衝黃直出現在禦黃壩及新築之鉗

口壩內外因清黃相抵水無溜勢漸至停淤測量壩

上下水深自二三尺至五六尺不等尚有至淺一段

僅深一尺九寸至二尺二寸計三進漕船尚有江西

湖南各幫六百餘隻未經渡黃現雖押令全行起剥

而船身笨重卽全行卸空猶喫水二尺三四寸刻下

節逾夏至大汛已臨黃水難期驟落湖水向於此時